

Ilda Halilčević rođena je 2000. godine u Tuzli. Nakon završene gimnazije 2019. godine, upisuje Akademiju likovnih umjetnosti u Sarajevu, nastavnički odsjek, gdje je stekla zvanje bachelor likovne umjetnosti - likovno obrazovanje. Trenutno pohađa master studije na Akademiji likovnih umjetnosti u Sarajevu. Provela je jedan semestar na master studijama na Fakultetu primenjenih umjetnosti u Beogradu, na primijenjenom slikarstvu. Aktivno je učestvovala u nekoliko studentskih umjetničko-istraživačkih projekata. Kao vizualna umjetnica, fokusira se na savremeno slikarstvo, istražujući razne medije i forme umjetničkog izraza kako bi prenijela svoju poruku. Učestvovala je na studentskim i kolektivnim izložbama. Dobitnica je Srebrene značke Univerziteta u Sarajevu i proglašena je najboljom studenticom na svom odsjeku te je bila nominovana za godišnju nagradu "Alija Kučukalić". Autorica je tri objavljena teksta u oblasti teorije umjetnosti i obrazovanja. Učestvovala je na međunarodnoj naučnoj konferenciji Umjetnost i obrazovanje 2024. "Moderne metode i koncepti obrazovanja na polju umjetnosti" u Novom Sadu, Srbija.